

AKADEMIJA

ZA MLADE LIDERE U CIVILNOM DRUŠTVU

Priče o putu ka uspjehu 2.0

GENERACIJA 2019 / 2020.

**SCHÜLER
HELFFEN
LEBEN**



german
cooperation

DEUTSCHE ZUSAMMENARBEIT

IMPRESUM

Izdavač:



Fondacija Schüler Helfen Leben
SHL Office: Topal Osman Paše 22
71 000 Sarajevo
Bosna i Hercegovina
Tel: +387 33 550 660
Fax: +387 33 550 661
www.shl.ba
office@shl.ba

Priredili:
Mirza Šaćiri i Adnan Pripoljac

Design i DTP: Eldin Hasanagić
Godina izdanja: 2020.
Tiraž: 200 primjeraka

© 2020 Fondacija Schüler Helfen Leben. Sva prava pridržana. Prenosjenje dijelova ili cjelokupnih tekstova ili pozivanje na tekstove kao izvor dozvoljeno je uz obavezno navođenje izvora.
Svi izrazi koji se koriste u tekstu, a imaju rodno značenje, bez obzira jesu li korišteni u muškom ili ženskom rodu, obuhvataju na jednak način i muški i ženski rod.

O brošuri

Tokom godinu dana programa polaznici Akademije za mlade lidere u civilnom društvu su pored pohađanja nastave osmišljavali i realizirali vlastite projekte/inicijative te obavljali dvomjesečnu praksu u različitim organizacijama i institucijama širom BiH.

Tekstovi koji slijede opisuju postignuća polaznika treće generacije Akademije i nastali su na osnovu njihovih ličnih priča.



Ajdin Efendić, Saša Milijašević, Mirna Ševo, Helena Glamuzina, Adna Sokolović, Meliha Hadžimehmedagić, Suljo Keranović, Mejra Mustafić, Mustafa Mujkić, Amar Buljubašić, Ajša Džindo, Nedim Alibegović, Afan Midžić, Amina Omeragić, Vuk Vasović, Nikolas Rimac, Ivan Čilić, Sumeja Huseinović, Hana Benca, Stefan Kuzmanović



AJDIN EFENDIĆ (20)

Banovići

Fakultet političkih nauka

Univerziteta u Sarajevu

Ajdin.efendic10@gmail.com

Pozdrav drugari, moje ime je Ajdin Efendić, vjerovatno se pitate šta sam to ja radio tokom pohađanja SHL Akademije. Moram vam priznati da sam dugo vremena razmišljao o ideji za svoj projekat, htio sam napraviti simbiozu onoga što studiram i ličnog motiva koji me uključio u aktivizam.

Nakon nekoliko sedmica razmišljanja, konsultacija i razgovora sa iskusnijim od sebe, odlučio sam da moj projekat tokom Akademije bude Građanska inicijativa – Online sjednica. Sa tom inicijativom sam htio postići da rad skupštine u Tuzlanskom kantonu bude transparentan i dostupan široj javnosti. Ono što sam želio postići kroz svoju inicijativu jeste da građani u mom kantonu imaju priliku da prate sjednicu preko interneta i da sve održane sjednice budu dostupne na online u svakom trenutku, na jednoj od platformi.

Želio bih da podijelim da moj put zaista nije bio lak, ne želim da zvučim pretenciozno, ali sam naišao u samom početku na mnogo prepreka. Vjerujte mi da nije nimalo ugodno kad vas ljudi toliko odbijaju, a pri tome to su ljudi koje smo mi izabrali da nas predstavljaju u skupštinama. Imao sam dana kada nisam bio najproduktivniji, ali ono u čemu sam dobio mnogo elana jeste vjera da radim pravu stvar za svoju lokalnu zajednicu.

Nakon što sam uputio inicijativu u jednom periodu niko nije reagovao na moj zahtjev. Imao sam priliku iskusiti sve događaje u političkom životu u BiH. Od nezivjesnosti do čekanja šta će se dogoditi u mom Kantonu sa formiranjem vlasti. Morao sam lobirati na razne načine, što preko Facebook Page-a, što preko slanja poruka zastupnicima. Na kraju mogu da izdvojim da sam zaista u ovom procesu mnogo toga naučio. Bilo je teško, ali kada shvatim da sam na kraju uspio i da je moja inicijativa uvrštena na dnevni red sjednice, zatim i uvojena, tu sreću ne može zamijeniti ništa

Proveo sam mnogo dana razmišljajući o ovoj ideji, radio sa širom lokalnom zajednicom, upoznao prijatelje, koji su vjerujem prijatelji za život, samo zbog tog što nisam odustao na prvo odbijanje. Nakon što sam uspješno realizirao ideju, planiram pokrenuti slične priče na višim nivoima vlasti.

Svoju praksu sam obavio u UG Zašto ne (Sarajevo) i u Perpetuum Mobile (Banja Luka).



SAŠA MILIJAŠEVIĆ (23)

Srbac

Pravni fakultet Panevropskog
Univerziteta "Apeiron"

sasa_milijasevic@live.com

Dragi čitaocē, želio bih sa tobom podijeliti jednu zanimljivu priču koja mi se dogodila tokom pohađanja Akademije za mlade lidere. Kada sam krenuo u ovaj proces, nisam vjerovao da aktivizam ima toliko smisla, moja iskustva sa aktivizmom su bila poprilično negativna i praznog sadržaja. Nakon što sam došao na prvi blok nastave na Akademiju, bio sam poprilično skeptičan, međutim kako

to biva – vrlo često – na zadnjem predavanju mi je bilo žao što ovakva priča se bliži kraju, a moja vjera da aktivizam iz ličnog razloga je jedini pravi koji mijenja vaš svijet, ali na koncu i svijet drugih ljudi.

Moj put nije bio lak, vjerovatno ste pročitali Ajdinovu priču na prethodnoj stranici, moja priča me naučila kako trebamo biti oprezni pri prezentovanju osmišljene ideje drugima, onima koji ne žele dobrobit većini, već jeftine političke bodove. Dobro ste pročitali, budite pažljivi, jer meni se dogodilo da nakon danonoćnog promišljanja o ideji moja ideja se zloupotrijebi i postane nečiji drugi projekat, nečiji ko čak nije aktivista u pravom smislu te riječi.

Nakon toga osmislio sam strategiju i pristup svom projektu koji je nosio kodni naziv Prostor za rad Amatersko Pozorište "Domino". Tokom svoje inicijative prvo sam kontaktirao sve

ljude iz bivše uprave pozorišta Domino i dogovorio sastanak sa njima. Ukupno smo održali 3 sastanka da bi se usaglasili oko pravca u kojem treba ići pozorište. Na tim sastancima radili smo na formi i zahtjevu koji smo uputili Općini Sr bac.

Moram podijeliti sa vama da zaista nisam imao velika očekivanja, nakon svega, međutim imao sam potajnu nadu da će doći do razumijevanja iz nadležnih institucija. Na kraju jeste, to je bio moj pokretač da realizujem svoju strategiju u potpunosti, tako da sam u narednom periodu spremio niz aktivnosti, mobilizirao ljude i vratio vjeru da umjetnost može biti pokretački faktor.

Ovo je moja priča, budite spremni da vratite vjeruju u sebe, a da vi kao tavki možete biti taj faktor promijene, to je moj najveći uspjeh od svega, a SHL Akademija mi je ponudila alat i znanje da to realizujem.

Svoju praksu sam obavio u Amaterskom pozorištu Dis Banja Luka i u Rock School u Mostaru.



MIRNA ŠEVO (24)

Ljubuški

Filozofski fakultet Sveučilišta u
Mostaru

mirnaasevo@gmail.com

Kada sam pisala projekat za Akademiju, koji se nalazio u aplikaciji, nisam ni vjerovala da ću se samo par mjeseci nakon toga čitati ga sa smijehom. Nakon prvog bloka nastave, shvatila sam da moj tadašnji projekat nije toliko dobro zamišljen. Prvo mi je teško pala, međutim uz konsultacije sa osobljem Akademije i projektnim koordinatorom, shvatila sam da trebam

osvijestiti šta to meni smeta, a kada to uradim onda ću imati dobru ideju za inicijativu.

Moja inicijativa u sklopu Akademije za mlade lidere u civilnom društvu je bila povećanje fonda u knjižnici, željela sam osigurati kao studentica, mnogo veću bazu dostupne literature studentima. Tokom studiranja uočila sam da nemamo dovoljno knjiga i udžbenika kako bi mogli kvalitetno se pripremiti za studij. Akademija me osposobila da prepoznam, reagujem i učestvujem u donošenju odluka. Bila je moja inspiracija da aktivizam doživim kao način života, a to sam jedino mogla tako što će moja lična priča biti i moj projekat.

Tokom realizacije projekta odlučila sam sprovesti anketni upitnik gdje sam pitala i provjerila šta studenti misle da li nedostaje udžbeničke literature u biblioteci. Kada sam

dobila odgovor i uvjerila se da i oni misle kao i ja odlučila sam da se upustim u realizaciju ove priče. U procesu realizacije ove priče bila sam životnija nego ikad, a to mi je pokazalo da aktivizam jeste upravo taj spomenuti način života. Pobijedila sam svoje vlastite strahove te u realizaciji projekta sam iščitala sve zakone, pravilnike, podzakonske akte i razgovarala i ostvarivala kontakt sa dekanom, šefom odsjeka kao i Ministrom obrazovanja u Hercegovačko-Neretvanskoj Županiji.

Uspjela sam pokrenuti studente, studenti su na sjednicama fakultetskih udruga razgovarali na ovu temu te sam tako postala i prepoznatljiva u svojoj lokalnoj zajednici. Vi koji čitate ovo, shvatite da jedino možete riješiti neki problem tako što kritički pristupime prema njemu, a nakon toga počnete djelovati munjevito, bez prolongiranja realizacije aktivnosti.

Svoje prakse sam obavila u Perpetuum Mobile – Institut za razvoj mladih i zajednice (Banja Luka) i u EU info centru u Mostaru.





LJUDSKA
PRAVA

SLOBODA

DEMON

SCHÜLER
SCHÜLER
SCHÜLER

25
GODINA

JEDNAKOST

SOLIDARNOST

ANTIFAŠIZAM



ADNA SOKOLOVIĆ (21)

Sarajevo

Filozofski fakultet Univerziteta u
Sarajevu

adna.sokolovic@gmail.com

Ti koja čitaš ili koji čitaš, upravo ti, ti možeš biti ta promjena. Sve počinje od tebe, a ako uljepšaš okruženje sam sebi, a znaš šta ti je smetalo, onda vrlo lako možeš to učiniti i za sve ostale u svojoj lokalnoj zajednici. Moja aktivistička priča je počela malo prije nego priče Ajdina, Saše i Mirne. Ja sam kao srednjoškolica pristupila Asocijaciji srednjoškolaca u Bosni i Hercegovini te sam nedugo nakon toga postala i predsjednica ASuBiH-a.

Kada sam se prijavili na Akademiju htjela sam da svoja iskustva i znanje nadogradim. Tako je na kraju i bilo, Akademija je bila mjesto na kojem sam dobila sve potrebne vještine da svoj aktivistički angažman podignem na jedan novi nivo.

Tako da sam odlučila da moj projekat u sklopu ovog programa bude vezan za moje visokoškolsko obrazovanje. Kao studentica Pedagogije na Filozofskom fakultetu u Sarajevu primjetila sam nedostatak praktičnog rada kao i terenskog te sam odlučila da fokus mog projekta bude povećanje sati u obavljanju praktične nastave na mom Odsjeku.

Inicijativa je nosila naziv "Praksa za rezultat, a ne za potpis". Prije realizacije same inicijative napisana je aplikacija za prijavu projekta. Pitanje te aplikacije iziskivalo je ispitivanje bitnih činbenika za samu inicijativu, stoga je osnova za pripremu samog projekta bilo upravo ovo ispitivanje. Tokom ispitivanja realizirani su intervjui sa profesorima na

Odsjeku za pedagogiju Filozofskog fakulteta Univerziteta u Sarajevu, te intervju/ankete sastudentima sa različitih godina na istom odsjeku. Nakon realiziranih intervjuja, kreiran je plan djelovanja.

Vjerovala sam – prije svega – da ova inicijativa će meni poboljšati praksu, usavremeniti moje znanje te me osposobiti da budem u budućnosti spremnija ako bude obavljala svoj posao u struci. Ono što je ljepota ove priče jeste da ovaj projekat isto tako otvara mogućnosti bolje prakse, ne samo meni, nego svim studentima na Odsjeku za pedagogiju.

Upravo to je bio razlog zašto sam se posvetila maksimalno lobiranju, razgovorima i pokušaju da dobijem što više informacija koje su mi bile potrebne za realizaciju ove inicijative. Kroz ovu inicijativu imala sam priliku da uvidim sve faktore koji mogu da pomognu, ali isto tako i da odmogu u

realizaciji zamišljenih stvari. Ono što mi je vrlo značajno ida istaknem, kroz ovu inicijativu ono što sam zacrtala, a što sam smatrala da je ključno je usvojeno, a to je usvojena odluka o uvođenju stavke za isplatu naknade za hospitacije u budžet Kantona Sarajevo, isto tako je usvojena i odluka o ukidanju naknada za hospitacije studenata tokom realizacije prakse.

Sretna sam što sam uspjela, a to sigurno ne bih mogla da nisam ispunila projektnu aplikaciju i vjerovala da sam dovoljno dobra da budem na Akademiji. Isto tako kada sam došla na Akademiju, nisam stala i zadovoljila se tim, već sam konstantno bila u komunikaciji sa nastavničkim osobljem Akademije, svojim mentorom kao i polaznicima prošle generacije od kojih sam dobila izuzetno dobre savjete koji su mi pomogli.

Svoju praksu sam obavila u Fondaciji Schuler Helfen Leben u Sarajevu.



SULJO KERANOVIĆ (23)

Cazin

Fakultet političkih nauka Univerziteta u Sarajevu

keranovicsuljo@gmail.com

Želio bih podijeliti sa vama svoju priču tokom pohađanja SHL Akademije, a vjerujem da bi vam mogla biti zanimljiva, malo je drukčija nego što su u prethodnom dijelu govorile moje kolege i kolegice.

Kada sam došao na Akademiju, želio sam samo jednu stvar, a to je da dobijem što više informacija, alata i znanja

kako bih mogao da realizujem svoju inicijativu. Moja priča je malo specifičnija i za nju je potrebno malo više detalja, pa tako je i moja inicijativa i moja lična priča.

Opis projekta koji sam radio jeste vezan za personalnu asistenciju za studente sa invaliditetom. Imao sam iskren motiv da obezbjedim institucionalnu pomoć studentima sa invaliditetom, jer sam prepoznao to kao jedan od gorućih problema. U toku planiranja inicijative želio sam da projekat koji odaberem bude i lični, kao i društveno koristan i realno ostvariv. Tokom realizacije projekta imao sam priliku da iskusim direktno šta to znači biti iskren aktivista, a iskren aktivista znači onaj koji svoju ličnu priču institucionalizira, s obzirom da sam i ja jedna od osoba sa invaliditetom. Nisam birao razlog da stanem, već sam želio da kvalitetno riješim probleme koje sam prepoznao, želio sam da poažem na svu nesmotrenost i nepažnju institucija prema manjinskim i ugroženim skupinama.

Kroz realizaciju svoje inicijative sam imao tri sastanka s Ministrom za rad i socijalnu politiku, ministrom Garibijom, na kojima smo dogovorili prve korake u izradi strategije. U svu ovu priču zvanu personalna asistencija, uključio sam i Ured za podršku studentima sa invaliditetom Univerziteta u Sarajevu, koji su mi u svakom trenutku pružili direktnu nesebičnu podršku, pa tako i tokom ovih sastanaka sa Ministrom Garibijom.

Prvi koraci u izradi strategije bili su istraživanje o broju osoba sa invaliditetom u Kantonu Sarajevo i u cijeloj Federaciji Bosne i Hercegovine. Drugo istraživanje odnosilo se na broj studenata sa invaliditetom u Kantonu Sarajevo, i treće istraživanje bilo je vezano za dosadašnju provedbu Personalne asistencije kroz projekte i za dobru praksu u regionu i Evropi.

U sklopu svoje inicijative objavljena je i publikacija o pravima studenata sa invaliditetom čiji sam jedan od autora. U sklopu te publikacije smo istakli sve mogućnosti koje posjeduju studenti sa invaliditetom, ali isto tako i dali opomenu nadležnim institucijama da moraju prilagođavati objekte za nju.

Želim da podijelim sa vama da meni nikada nije nedostajalo motiva, bio sam isfrustriran koliko šira narodna masa ne poznaje terminologiju koja se treba koristiti sa osobama sa invaliditetom te sam tako odlučio jedan dan da zalijepim nekolicinu plakata kako se koriste ispravni nazivi za osobe sa invaliditetom, a ukazao kako nepravilno.

Svoje prakse sam obavio JU Kantonalni centar za socijalni rad (Sarajevo) i u Međunarodnom forumu za solidarnost (Zvornik).



MEJRA MUSTAFIĆ (23)

Doboj Istok

Elektrotehnicki fakultet Univerziteta u Sarajevu

mejra_mustafic@hotmail.com

Moje ime je Mejra, željela bih sa vama da podijelim svoja iskustva kao polaznice Akademije za mlade lidere u civilnom društvu. Prije nego sam postala polaznicom druge generacije Akademije, nisam imala velika iskustva u aktivističkom svijetu i nisam promišljala kako aktivizam može se ticati svih nas.

Kroz nastavne blokove na Akademiji sve više sam uvidjela značaj same Akademije, ali isto tako kako ja postajem mnogo zrelija osoba koja želi mijenjati svoju svakodnevnicu. Tako da sam dugo razmišljala šta bi moj projekat mogao biti, nisam odmah prepoznavala stvari koje mi smetaju. Nekako, naviknemo se da ne prepoznavamo stvari koje nam smetaju, koje nas bockaju i spriječavaju nas da budemo funkcionalniji, a ja sam bila jedna od tih osoba koja se naviknula na letargiju. Tokom promišljanja, smetalo mi je što kao studentica ne znam, niti postoji nešto što zovemo studentski standard. Isto tako smetalo mi je nedostatak osnova za vođenje funkcionalnog i dobrog studentskog života, kako to imaju naše kolege širom Europe.

Kroz ovu inicijativu sam obavila niz sastanaka sa Mariom Vukasovićem, Sifetom Kukuruzo, također sam razgovarala i sa Miranom Hadžiomerovićem. Nakon toga sam imala


nekolicinu susreta sa predstavnikom Studentskog Centrom i sa predsjednicima studentskih organizacija u Kampusu. Uspjela sam obaviti razgovore po pitanju kantina sa nekim od dekana na Kampusu. Zatim sam obavila sastanak sa Sašom Madackim i razgovarala sa Neirom Dizdarevic koja je procedura za upucivanje inicijative. Nažalost nisam uspjela do kraja da realizujem inicijativu.

Studentski standard je dugo tema u Kantonu Sarajevo, međutim nikada se nije realizovala ova priča, nisam razočarana, vjerujem da ću u budućnosti pokušati još jednom ili savjetovati nekoga novog koji pokušava. Vjerujem da ne smijemo tako odustajati i da nekada moramo dobro promisliti o koracima u kojima smo eventualno pogriješili.

Akademija mi je dozvolila i dala mogućnost da provjerim svoju poštovanost i aktivistički duh, ali isto tako dala mi je i znanje kako da prevladam potencijalni neuspjeh i da

analiziram stvari koje su dovele do toga. Da nije bilo ovog iskustva, sigurna sam, da bi moj život bio prazniji a moja iskustva nepotpuna.

Svoje prakse sam obavila u Fondaciji Krila nade (Sarajevo) i Fondaciji Lara (Bijeljina).



AMAR BULJUBAŠIĆ (21)

Zavidovići

Fakultet menadžmenta i javne
uprave Internacionalnog
Univerziteta u Sarajevu
amarbuljubasic1998@gmail.com

Kada bi me neko pitao kako bih opisao Akademiju, opisao bih je kao Bosna i Hercegovina u malom. Imao sam priliku da razgovaram i da se družim sa ljudima iz cijele države. Ono što su moji drugari istakli u prethodnim tekstovima je također i na mene utjecalo, a to su svo to znanje na jednom mjestu i svi ti alati koji su tako korisni za život. Pored toga, slušati, razgovarati i pitati za savjet predavače

sa takvim stažom, godinama rada i takvim znanjem je nešto nevjerovatno. S toga ako neko čita ovo, a razmišlja da se prijavi, neka se odmah prijavi, a kasnije će mi zahvaliti.

Moja inicijativa je u fokus stavljala Usvajanje transfera za podršku biznisima (start up) mladih u okviru budžeta Općine u Zavidovićima. Kako sam spoznao kroz Akademiju da najiskreniji aktivizam zapravo dolazi iz srce i ličnog motiva, ja sam htio da pomognem svojim vršnjacima, drugovima i mladima u svojoj lokalnoj zajednici, kako bi ostali, razvili priliku za život te ostali u svom gradu bez da ga moraju napustiti da bi omogućili sebi i svojim egzistenciju.

Kroz ovaj projekat sam sproveo niz istraživanja te sam isto tako anketirao mlade povodom naznačene teme, sa upitom da li bi ostali i da li im je potrebna mogućnost za pokretanje vlastitog

biznisa. Naišao sam oduševljenje i prelijepe reakcije ljudi. Svi su bili oduševljeni da je neko prepoznao ovaj problem, a još sretniji da je neko odlučio reagovati.

Kada sam ispitao stavove u svojoj lokalnoj zajednici, odlučio sam – kroz znanje koje sam dobio na Akademiji – da izradim plan djelovanja i aktivnosti koji bih se pridržavao tokom realizacije projekta. Počeo sam lobirati, ugovarati sastanke sa ključnim akterima te raditi na svom nastupu kada bude potrebni prezentovati zamisao.

Nakon perioda lobiranja i osluškivanja mogućnosti projekta, upustio sam Inicijativu direktno općinskom Načelniku, vjerujem da će ova inicijativa dobiti pozitivan odgovor u periodu kada se bude usvajao budžet za narednu godinu. Nadam se se da će Inicijativa u potpunosti zaživjeti i da će prije svega obezbijediti ugodan život sa pokretanjem vlastitih

pogona, zaposlenja i djelovanja od kojih će mladi u mojoj lokalnoj zajednici imati pristojan život.

Imao sam priliku iskusiti šta znači boriti se za ljude u svojoj lokalnoj zajednici, a boriti se znači truditi se da svi imaju jednaku mogućnost da se ostvare.

Svoje prakse sam obavio u Proniju u Sarajevu i Udruženju za brigu i opšta prava djece "Naša Djeca" (Zenica).



AMINA OMERAGIĆ (21)

Gradačac

Filozofski fakultet Univerziteta u
Sarajevu

aminaomeragic50@gmail.com

Mogu da kažem da sam se uvijek osjećala kao dijete SHL-a, ali nikad više nego tokom Akademije. Ambijent, druženje i način na koji smo radili trebaju biti primjer kako se treba živjeti. Istakla bih sklad između druženja, rada i učenja kao izuzetno dobar. Nema puno stvari koje moje kolegice i moje kolege nisu već spomenuli. Postoji jedna stvar koja je meni ostala u sjećanju, a to je studentsko putovanje u kojem sam imala priliku da razgovaram sa osobom koji je jedan

od lidera Otpora. Taj razgovor nas je sve doveo u situaciju da razmišljamo da li možda mi živimo u takvim vremenima sada u Bosni i Hercegovini. Prisjećam se atmosfere gdje smo u povratku nazad u Sarajevo svi satima razgovarali o metodama i načinu na koji možemo unaprijediti svoje zajednice.

Jedan od načina kako poboljšati svoju lokalnu zajednicu je bio i moj projekat koji sam realizirala tokom trajanja Akademije, kroz svoju inicijativu sam htjela da obezijedim u Gradačcu budžet za mlade. Kroz ovu inicijativu sam vjerovala da mladi zaslužuju da mogu aplicirati svojom idejom i tako omogućiti poboljšanju događaja u mom gradu.

Kroz realizaciju svog projekta sam imala niz aktivnosti koje sam sprovedla, jedna od tih aktivnosti jeste istraživanje koje je u fokus stavljalo budžet, i plan potrošnje. Pored toga sam imala niz sastanaka sa Komisijom za mlade, kao i sa članovima Gradskog vijeća.

Ono što mi je drago tokom realizacije projekta jeste da sam imala priliku da razgovaram sa osobama koje su izabrane da zastupaju stanovnike mog grada, a pri tome da im prenesem stavove šta to misle njihovi sugrađani. Mladi ljudi u mom gradu su jako sretni što napokon se počelo djelovati na ovom polju, jer suština je u mladima, a ako neće grad ostati na mladima, onda ne možemo vjerovati ni da će svijet.

Nakon sprovođenja aktivnosti prešla sam u fazu lobiranja, s obzirom da budžeti se usvajaju krajem ili početkom godine, projekat još nije zaživio u punom kapacitetu. Vjerujem da će u budućnosti Gradačac postati sinonim za odnos prema mladim ljudima, ulaganjem u njihove kapacitete i da će biti jedan od lijepih primjera.

Kroz realizaciju ovog projekta sam imala priliku upoznati izuzetno talentovane mlade ljude i sretna sam što sam započela priču koju smatram jako bitnom.

Svoje prakse sam obavila u RadioActive (Zenica) i Institut za razvoj mladih KULT (Sarajevo).



IVAN ČILIĆ (25)

Međugorje

Filozofski fakultet Sveučilišta u
Mostaru

Ivan-cilic@hotmail.com

Pitao sam se, ima li iko igdje da ulaže u mlade ljude, u njihovo znanje, umrežavanje i da zajedno stvaraju. I onda sam aplicirao na Akademiju, kao tipični skeptik u nadi da je to još jedna ubleha, priča za malu djecu i ubijanje dosade. Ipak, našao sam mjesto u kojem je svo znanje, sve informacije, svi alati, kao i putovanja i druženja potpuno besplatno, ulaže se vrijeme, energija i dozvoljava

ti se da stvaraš zajedno sa svojim vršnjacima, a da ti niko ne traži da platiš to. Naravno, ako si spreman da radiš.

Tako je počela i priča o mojoj realizaciji projekta, imao sam cilj da reanimiram rad Vijeća mladih u Općini Čitluk, a pored toga jedan od ciljeva je bio da obezbijedim finansije od strane općine. Nakon svog znanja i alata koje sam iskoristio, a koji su mi bili dostupni na Akademiji, promišljao sam načine i realizaciju ovih ciljeva.

U sklopu realizacije projekta sam razgovarao sa Načelnikom, sa predsjednikom Općinskog Vijeća, kao sa predsjednikom BRUM-a. Značajne sam razgovore vodio i sa Općinskim službenikom za mlade i Vijećem Mladih Federacije Bosne i Hercegovine. Kroz ove sastanke sam prezentovao stanje Vijeća Mladih u Općini Čitluk te ponudio alternative koje bi oživjele njegov rad. Jedna od ključnih

stavki je bila da se obezbijede finansije kako bi se moglo početi djelovati aktivno. Istakao bih Nedima Alibegovića i Jasminu Banjalučkić kao osobe koje su mi otvorile vrata i pomogle u realizaciji svojih ciljeva.

Ono što me učinilo sretnim te na koncu i obradovalo jeste da sam uspio omogućiti finansijska sredstva za Vijeće Mladih Općine Čitluk. Kroz ovo sam napravio korak za detaljnije buduće planove koji trebaju unaprijediti i poboljšati živote svih mladih u mojoj lokalnoj zajednici.

Kao Magistar Politologije imao sam priliku iskoristiti i svoje znanje u pregovaračkim vještinama, kao i znanje iz svih modula na Akademiji, ono što smatram jeste da je ovo početak jedne lijepe i velike priče za mene. Nadam se da ako iko bude čitao ovo, da će iskoristiti priliku koja mu se nudi, ali isto tako da propita koliko je spreman da uloži

vremena i energije kako bi na kraju postao osoba o kojoj sanja. Ispred mene je dug put, ali korak ka uspijehu sam bliže.

Svoje prakse sam obavio u Forum ZFD (Sarajevo) i BRUM (Čitluk).



SUMEJA HUSEINOVIĆ (20)

Kiseljak

Ekonomski fakultet Univerziteta
u Sarajevu

sumyh99@hotmail.com

Prije dolaska na akademiju nisam imala nikakvog iskustva u aktivizmu. O aktivizmu sam učila tokom Akademije, slušala sam iskustva svojih kolega i kolegica te su ta iskustva bila nevjerovatna, svi su o tome pričali sa velikim žarom i posvećenošću.

Razmišljala sam da želim da pokušam i ja nešto takvo, pa sam odlučila da promišljam, kako mogu da doprinesem svojoj

lokalnoj zajednici. Došla sam na ideju za svoj projekat koji je nosila naziv „Nova Voda“. Kroz ovu inicijativu sam htjela da u svojoj lokalnoj zajednici obezbijedim rješavanje problema vodovoda, cilj je, dakle, bio da se obnovi seoski vodovod.

Dugo sam pokušavala, razmišljala kako da djelujem i pobijedila svoj strah od interakcije i komunikacije sa drugima i upustila se u ovu priču. Aktivnosti koje sam sprovela su bile oragniziranje sastanka sa mještanima od kojih sam dobila nevjerovatnu podršku, nakon toga sam prikupljala potpise kojima su mještani pružili podršku obnovi vodovoda. Svi ljudi u mojoj lokalnoj zajednici su bili sretni, ova inicijativa me nametnula kao jednu od liderica u svojoj lokalnoj zajednici. Nakon toga sam razgovarala sa načelnikom, kojem se ideja svidjela i rekao da ćemo biti u komunikaciji. Međutim, kako to biva, tu se

u umiješala viša politika, tako da nisam dobila podršku od lokalne vlasti.

Načelnik i većina vijećnika je ispolitizirala moju inicijativu, isto tako nije bilo spremnost da se upusti u ovu priču. Kroz ovo sam vidjela kako se može jedna dobra priča pretvoriti u politikanstvo, ali isto tako da osobe koje su birane da pomažu svojoj lokalnoj zajednici, zapravo rade suprotno.

Ono što me raduje jeste što sam pokrenula jednu priču koja godinama je stajala u mjestu, svi stanovnici mog mjesta su isto rekli i dali mi podršku, pa ćemo čekati bolje vrijeme da realizujemo ovu priču.

Svoje prakse sam ovavila u Institutu za razvoj mladih KULT (Sarajevo) i INTERA Tehnološki park (Mostar).



HANA BENCA (23)

Mostar

Pravni fakultet Univerziteta

“Džemal Bijedić” u Mostaru

Hana_mo97@hotmail.com

Cijeli život sam u sportu, nikad mi nije falilo tog konkurentskog duha u kojem želim sama sebi pokazati da to ja mogu i da sam spremna za neko veliko takmičenje. Kada sam došla na Akademiju, kroz module koji fokus stavljaju na lični razvoj, socijalnu komunikaciju, aktivizam i istraživanje, dobila sam sve potrebne alate da djelujem u široj zajednici.

Tokom pripreme ideje, htjela sam da moja ideja bude društveno korisna i da pomognu što većem broju ljudi. Kroz svoj projekat sam htjela uspostaviti kurs Džudoa ispred unije studenata u Mostaru.

Međutim na kraju projekat nije realiziran sa Unijom studenata, ali je realiziran nezavisno od njih. Smatram kako je sport vrlo značajna stvar u životu te doprinosi razvoju svakog pojedinca, a isto tako ima korisne elemente samoodbrane.

Zaista sam sretna što sam imala priliku realizirati svoju inicijativu, educirati mlade o sportu i promovisati vrijednosti koje nosi sport i sportske aktivnosti. Osim navedene aktivnosti neostvarene saradnje sa studentskom orgnaizacijom, ostale aktivnosti su protekle bez većih problema.

Ovdje sam shvatila kako je ljudima potrebno malo da se umreže i zainteresiraju, svi su dolazili do mene sa novim prijedlozima šta možemo sve da radimo, a to mi je pokazalo da su ljudi spremni da učestvuju u dobri akcijama.

Ovaj projekat me motivirao da u budućnosti djelujem još efektivnije i bolje. Akademija mi je omogućila nevjerovatno iskustvo i sigurna sam da ću stečena znanja koristiti u budućnosti. Vjerujem da nećemo stati na ovom, kroz ovo sam dobila vidljivost u široj zajednici i vjerujem da će iduće inicijative i projekti obuhvatiti i veći broj ljudi.

Svoje prakse sam obavila u Proniju (Brčko) i u Advokatskoj kancelariji Kebo Guzin (Mostar).







STEFAN KUZMANOVIĆ (24)

Modriča

Poljoprivredni fakultet

Univerziteta U Banjoj Luci

Kuzman004@gmail.com

Nema toliko toga da dodam, jer su moji drugari sve manje više rekli, a moja priča je isto tako zanimljiva kao i njihove. Došao sam na Akademiju, a sa Akademije sam se vratio bogatiji za svo znanje koje sam dobio, ali i prijateljstva koja sam ostvario.

Moj projekat nosi jako zanimljivu priču, a počelo je sve ovako. Poljoprivredni fakultet Univerziteta u Banjoj Luci je

2016 godine pokrenuo pitanje dodjele zemljišta površine cca 70 hektara u višegodišnju koncesiju. Potreba za ovakvu parcelu je proizlazila iz toga da se studenti na fakultetu kao i na nastavno-istraživačko osoblje nisu imali mjesto i teren za realizaciju praktične nastave, mjesto gdje se provode ogledi. Nakon provedene studije opravdanosti, i nakon usvajanja odluka na organima fakulteta, krenulo se u sistematsku „ofanzivu“ za ostvarivanje ciljeva.

Zajedničkim radom fakulteta kao institucije te zaposlenih na fakultetu uz podršku i angažman studenata, 2018 godine je nakon završene procedure dodjeljeno zemljište i završena procedura u višegodišnju koncesiju. Nakon ovog je obezbjeđen transport studentima do eksperimentalno-edukativnog centra te je sa ovom realizacijom aktivnosti moj projekat kao takav sa kojim sam pristupio na Akademiju realizovan na kraju.

Ovo sve mi je vratilo nadu koliko kroz aktivizam možemo da učinimo svijet boljim mjestom za sve nas, a ideja kojoj se gubio trag je oživljena upravo zbog Akademije te sam joj dao novi život nakon svih odličnih predavanja koje sam slušao na Akademiji.

Ovdje moram da istaknem jednu važnu stvar koja se desila između moje prijave projekta i realizacije. Naime, došlo je do kadrovskih promjena na čelu fakulteta, a osim toga za ministra poljoprivrede, šumarstva i poljoprivrede imenovan je doktor poljoprivrednih nauka i profesor na Poljoprivrednom fakultetu u Banjoj Luci. Ova dešavanja su značajno dala vjetar u leđa za realizaciju mog projekta. Nadam se da ova priča može nekog natjerati ako je započeo projekat, a ne ide mu još uvijek od ruke, da nastavi upravo na Akademiji.

Svoju praksu sam obavio u Poljoprivrednoj apoteci Agroplod Trebinje.

DEMOKRATIJA
JEDNAKOST SLOBODA

HÜLER
FERN



Ljepotica
i Zvijer

Jeanne-Marie
le Prince de Beaumont
režija: Adis Bakrač

Ljepotica
i Zvijer

Jeanne-Marie
le Prince de Beaumont
režija: Adis Bakrač





SCHÜLER HELFEN LEBEN

Fondacija
Schüler Helfen Leben
Trening centar
SHL House Sarajevo
Lepenička 89
71 210 Ilidža



+387 33 550 660



akademija@shl.ba



www.facebook.com/SHL BiH